



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Basilea Sacra Sive Episcopatus Et Episcoporum Basileensium Origo Ac Series

Sudan, Claudius

Brvntrvti, 1658

44. Henricus III. Comes Neoburg.

**urn:nbn:de:hbz:466:1-11463**

Rudolphus Habsburgicus Comes, *Anno Christi*  
bona quædam VVettingensi Cœno-  
bio assignavit anno 1259. Brevi post,  
ubi annis 13. præfuiſſet Berchtoldus  
Episcopatus, obiit, 10. Dec. 1262.

## HENRICVS III. 1263

Comes Neoburgensis.

*Basileensis Episcopus.*

LXIV.

**A**ltero, postquam vitam posuit  
Anno Berchtoldus 1263. Episcopi  
munus admisit Henricus Neobur-  
gensis, Ulrichi Neoburgensis Comitis  
filius, cuius terni fratres amplissimas  
parentis & opulentæ familiæ non  
minùs quam illustris fortunas ita in-  
ter se sortiti sunt. Primo in paternæ  
hæreditatis divisione obtigit Neo-  
burgum ad lacum : Secundo Ar-  
berga: Tertio Nidavvium, & Straf-  
berga. Sorores Henrici, suâ quæli-  
bet

Anno  
Christi  
1263.

bet instructa dote nuptui collocatae sunt. Vna quidem Comiti Toggenburgensi, altera Ulrico Baroni Regenspergensi, tertia Falckensteinio, quarta Domino à Grandfé & Röttele. His affinitatibus gentilitiaeq; domus suæ præsidio, ut credere proclive est, non parùm tribuens, benèque ob eam ad Episcopatus sui vires accessionem animatus, bellum non detractavit cum Rudolpho Habsburgico gerendum, quamvis variatâ sæpius fortunæ aleâ, ita ut jam penes hunc, modò penes illum staret victoria. Pro Brisaco & Neoburgo ad Rhenum oppidis lis erat & certamen armorum acre sæpius repetitum, vastatis utrinque aut occupatis, aut everfis pluribus castris, pagis, & oppidis : donec post diversas tandem datas & acceptas utrimque clades, pax, anno 1269. composita est in castro Beückensi Teutonici ordinis

nis

nis domo, proximè Rheinfeldam. *Anno*  
Brisacum Fridericus II. beneficio Ba- *Christi*  
filensis Episcopi tenuerat, eoque, *1263.*  
dum post mortem, ad veterem Do-  
minum ex pacto rediret. Interea  
Rudolphus cum adhærentibus sibi  
Tigurinis, Brisacum stratagemate  
occupat & præsidio firmat. Quam-  
vim manifestam, iniuriámque re-  
tundere armis Henricus quovis im-  
pendio, statuit. Hanc belli causam  
copiosè exponit Gerardus Roo lib.1.  
Austriacæ historiæ, & Vrstis. lib.2.c.12.

Anno Domini 1269. emit Henri-  
cus teste Stumpfio lib.12.c.26. arcem  
Biederthan à Comite Godefrido co-  
gnato suo: anno dehinc 1271. à Co-  
mitibus Neoburgensibus, sive de  
Neuf-chastel in Burgundia, Bruntru-  
tunam arcem, & Teuffenstein; illam  
260. hanc 40. Marcis argenti. Mar-  
ca tunc temporis æquabat pretio  
nostrates florenos quinque.

Anno

Anno  
Christi

Anno 1272. post breves armorum inducias, recrudit, quàm hactenus bellum, vehementius, eoque ardore exarsit, ut Rudolphus justo exercitu comparato Basileam obsidione cingeret. Verùm, ut ab oppugnatione longâ desisteret, optatissimo Nuncio permotus est, quo ad totam Imperij molem gubernandam ab Electoribus evocabatur. Pace igitur per arbitros facta, ita de conditionibus inter Henricum & Rudolphum convênit, ut Brisacum reciperet Episcopus, Rudolphus 900. Marcas argenti acciperet: captivi utrinque dimitterentur, stelleræ factionis Cives Basileenses è nobilitate, Rudolphi partes contra Episcopum secuti, in civitatem postliminio indemnes reciperentur. Neoburgum Imperio addictum permaneret in posterum, Roô l. 1. & Vristis. His belli tumultibus Basilea minor

1273.

minor, maioris ante suburbium, sive pagus, muro cincta est. Quam deinceps Episcopus per Prætorem à se constitutum, & viginti Senatores rexit, eoque cives donavit privilegio anno 1270. ut non nisi viginti libras quotannis persolverent. Rebus ita constitutis 15. Sept. 1274. moritur Henricus, postquam ipse anno 1271. vel, ( ut vult Stumpfius lib. 12. c. 26. ) 1272. Vdalricus Pfortensis, & eius filius Theobaldus Comes, Henrico Basileensi Episcopo Comitatum Pfortensem, paucis exceptis, vindiderat, prout ex authenticis litteris constat in hæc verba: *Ulricus Comes Pfortensium &c. Noverint igitur tam presentes quam Posteris, quòd nos Domino nostro Henrico Episcopo Basileensi, nomine Ecclesie sue, à qua unà cum progenitoribus nostris nos multis beneficiis, Feudis ( nempe*

*Anna  
Christi  
1273.*

Anno  
Christi  
1271. Praefecturâ Masopolitanâ præcipuè)  
& aliis pluribus utilitatibus sublima-  
tos recognoscimus, & multipliciter ho-  
noratos, Castrum & Oppidum de  
Tfirreto &c. cum omni jure vendi-  
dimus, tradidimus & in vacuam  
possessionem misimus &c.

Enumeratis deinde aliis sui Co-  
mitatus locis venditione facta con-  
signat Episcopo omnia, præter Ca-  
strum Schönenbergam, & Illfor-  
tum: ita quidem, ut Episcopus illi  
octingentas quinquaginta marcas  
argenti persolveret, eundemque Co-  
mitatum Theobaldo Vlrici filio, be-  
nificiario, sive Clientelari iure man-  
ciparet, modò fidei Sacramentum  
præstaret, de tot amplissimis bonis  
ab Ecclesia Basileensi nunquam  
alienandis, quod & mox  
præstitum.

HEN-